



Ti Joint Monitoring Committee

Binukel dagiti Partido ti JMC idi Pebrero 14, 2004 tapno wanawananna ti implementasyon ti Katulagan. Ti JMC ket agmiting ti kada tallo a bulan iti Pilipinas wenno iti aniaman a lugar a pagkaykaysaan dagiti Partido ken iti aniaman a panawen no makita dagiti co-chairperson a kasapulan gapu iti nasken nga isyu wenno reklamo.

Dagiti teknikal ken administratibo a suportta ket ipaay ti Joint Secretariat (JS) a bukuklen dagiti independente a nominado ken nakontrata nga istap a nagsina nga innominar ken inyempleo ti GRP ken NDFP.

Ti Mangbukbukel ti JMC

Ti JMC ket bukuklen ti tallo a kameng a pinili ti GRP Panel ken tallo a kameng a pinili ti NDFP Panel. Ti GRP ken ti NDFP ket nanginominar met ti sagdudua a mangibagi manipud kadagiti organisasyon ti pangtao a karbengan nga agtugaw iti JMC kas para-obsarbar. Ti JMC ket addaan ti co-chairperson nga agserbi a kas kangrunaan a mangibagi kadagiti Partido ken agakem a kas moderador dagiti miting.

Dagiti Trabaho Ti JMC

Dagiti co-chairperson ti JMC ket:

- agawat kadagiti reklamo maipanggep ti pannakalabsing ti pangtao a karbengan ken internasyonal a makatao a linteg ken amin a napateg nga impormasyon
- mangaramid kadagiti kiddaw wenno rekomendasyon para iti implementasyon ti CARHRIHL

Ti JMC babaen ti panagkaykaysa ket:

- agkiddaw ti pannakaimbestigar ti maysa a reklamo ken mangaramid ti rekomendasyon
- agaramid kadagiti report ken rekomendasyon kadagiti Partidoda maipanggep ti trabahona

Panagipila Kadagiti Reklamo

Dagiti biktima, kabagian, otorisado a mangibagi wenno siasinuman nga interesado a partido ket mabalin a mangipila wenno mangidatag ti reklamo iti JMC.

Dagiti reklamo ket mabalin a maipila a personal iti Opisina ti Joint Secretariat manipud alas otso ti bigat inggana ti alas singko ti malem, Lunes agingga ti Biyernes, wenno babaen iti koreo, fax wenno e-mail.

NDFP Nominated Section

Telepono:

+63-2-7251457

Fax:

+63-2-7251457

Email:

ndfp_jsection@yahoo.com

GRP Nominated Section

Telepono:

+63-2-7254621

Fax:

+63-2-7253430

Email:

info@grpnc-jmc.org

Website:

www.grpnc-jmc.org

Opisina ti Joint Secretariat ti Joint Monitoring Committee ti CARHRIHL

6th Floor, Immaculate Conception Multi-Purpose Bldg.

41 Lantana Street, Cubao 1111

Quezon City, Philippines

Hotline: +63-2-7252072

Comprehensive Agreement
on Respect for Human Rights
and International Humanitarian Law

CARHRIHL



**Komprehensibo a Katulagan
Maipanggep iti Panangrespeto
iti Pangtao a Karbengan ken
Internasyonal a Makatao a Linteg**

Ti CARHRIHL

Isu ti umuna iti uppat a katulagan iti substantibo nga adyenda ti pormal a tungtongan iti nagbaetan ti Gobyerno ti Republika ti Pilipinas (GRP) ken ti National Democratic Front ti Pilipinas (NDFP).

Dagiti dadduma pay a linaon ti substantibo nga adyenda ket maipanggep iti pangkagimongan ken pang-ekonomya a reporma, pampulitika ken konstitusyonal a reporma, ken panaggibus ti panaglalaman ken pannakailugar dagiti puersa.

Ti CARHRIHL ket napirmaan idi Marso 16, 1998 idia The Hague, The Netherlands ket inaprubaran ti Pangulo ti Nailian a Konseho ti NDFP a ni Mariano Orosa idi Abril 10, 1998 ken ti Presidente ti GRP a ni Joseph E. Estrada idi Agosto 7, 1998.

Dagiti Partido ket bigbigenda iti CARHRIHL a:

- Ti panangrespeto ti pangtao a karbengan ken internasyonal a makatao a linteg ket napateg ken kasapulan unay para iti panangioplastar ti batayan ti nainkalintegan ken manayon a kappia
- Ti komprehensibo a Katulagan ket masapul a bigbigenna ti agdama a kasasaad ti pangtao a karbengan ken ti historikal a kapadasan ti umili a Pilipino
- Dagiti batayan nga indibidwal ken kolektibo a wayawaya ken pangtao a karbengan iti benneg ti politika, kagimongan, ekonomya ken kultura ket magun-od ken lumangto laeng iti kasasaad nga adda nailian ken pangkagimongan a wayawaya ti umili
- Kasapulan nga itandudo, palawaen ken garantiyaan dagiti demokratiko a karbengan ken wayawaya ti umili nangnangruna dagiti annak ling-et a mangmangged ken mannalon
- Ti Katulagan ket panggepna a sungbatan dagiti kasapulan a tumaud manipud kadagiti kongkreto a kasasaad ti umili a Pilipino maipapan kadagiti panaglalsing ti pangtao a karbengan ken dagiti prinsipyo ti internasyonal a makatao a linteg, ken mangbirok kadagiti prinsipyado a wagas ken pamuspusan tapno maikkan ti hustisya dagiti amin a biktima ti kasta a panaglalsing
- Ti napaut nga armado a risiris iti Pilipinas ket kasapulanna ti pannakaiyaplikar dagiti prinsipyo ti pangtao a karbengan ken dagiti prinsipyo ti internasyonal a makatao a linteg

Dagiti Panggep Ti CARHRIHL:

- Magarantiyaan ti pannakasalaknib ti pangtao a karbengan ti amin a Pilipino iti amin a sirkunstansya, nangnangruna dagiti mangmangged, mannalon ken dadduma pay a marigrigat nga umili
- Mapasingkeda ken maiyaplikar dagiti prinsipyo ti internasyonal a makatao a linteg tapno masakniban ti sibilyan a populasyon ken dagiti indibidwal a sibilyan, kasta met dagiti tao a saan a direkta a makipasaset wenno nagsardengen a makipartisipar iti armado a labanan, karaman dagiti tao a napaidaman ti wayawaya gapu kadagiti banag mainaig iti armado a risiris
- Maitakder dagiti nasamay a pamuspusan ken addang para iti pannakaipatungpal, panangwanawan, panangpaneknek ken panangisigurado ti panangsuot kadagiti probisyon daytoy a Katulagan
- Maluktan ti dalan para kadagiti komprehensibo a katulagan maipanggep iti pang-ekonomya, pangkagimongan ken pampulitika a reporma a mangisigurado ti pannakagun-od ti nainkalintegan ken manayon a kappia

Dagiti Rebbengen Dagiti Partido:

- Bigbigenda a maiyannatop dagiti prinsipyo ti pangtao a karbengan ken dagiti prinsipyo ti internasyonal a makatao a linteg ken ti agtultuloy a bileg dagiti obligasyon a tumaud manipud kadagitoy a prinsipyo
- Bigbigenda a kasapulan ken napateg ti panangakemda ti nagsina a rebbengen ken responsibilidad para iti panangitandudo, panangsalaknib ken panangipasaknap dagiti prinsipyo ti pangtao a karbengan ken dagiti prinsipyo ti internasyonal a makatao a linteg basar ti bukodda a prinsipyo a pampulitika, organisasyon ken sirkunstansya
- Petpetanda ken pumaunegda kadagiti prinsipyo ken pagannurotan a nakapauneg kadagiti internasyonal nga instrumento maipanggep ti pangtao a karbengan ken dagiti an-annuguten ti sapisap a prinsipyo ken pagannurotan ti internasyonal a makatao a linteg

Sakop:

Ti CARHRIHL ket maiyaplikar iti amin a kaso ti pannakalabsing ti pangtao a karbengan ken dagiti prinsipyo ti internasyonal a makatao a linteg a naaramid kontra kadagiti:

- 1) Tao, pamilya ken grupo a paset ti aniaman a Partido
- 2) Amin a tattao nga apektado ti armado a risiris
- 3) Sibilyan wenno kadagiti awan aktibo a pasetna kadagiti labanan
- 4) Kameng dagiti armado a puersa a simmukon wenno nagibaban ti armasna
- 5) Awanen ti kabaelanna a lumaban gapu iti sakit, sugat wenno aniaman pay a makagapu
- 6) Tao a napaidaman ti wayawaya gapu kadagiti banag a mainaig iti armado a risiris
- 7) Kabagian ken otorisado a mangibagbagi kadagiti tao a nainagan iti ngato

Dagiti laeng insidente a maipagarup a napasamak manipud Agosto 7, 1998 ti masakupan daytoy a Katulagan.



Comprehensive Agreement
on Respect for Human Rights and
International Humanitarian Law (CARHRIHL)